



UNIVERSITÄTS-  
BIBLIOTHEK  
PADERBORN

**De Vita Et Rebus Gestis Christophori Bernardi Episcopi Et  
Principis Monasteriensis Decas**

**Alpen, Johann von**

**Coesfeldiae, 1694**

73. Diploma abolitionis.

---

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)



1660.

tudini suae, eiusq; Successoribus visum fuerit etiam innovandi, quâ subjectos deum fide devotione & obedientia integre servaturos. In quorum fidem sigillum nostrum presentibus subimpressum est. Anno Salvatoris nostri millesimo, sexcentesimo sexagesimo primo, die vero vigesima Martij, quae erat divo Ludgero sacra. Ex mandato. Bernardus Hollandicus. Diploma verò abolitionis, cujus priores litterae jam meminerunt, sequens fuit.

73.  
Diplo-  
ma abo-  
litionis.

Nos Christophorus Bernardus DE gratia Episcopus Monasteriensis, S. R. Imperij Princeps, Burggravius Strombergensis, Dynasta in Borculo &c. tenentis presentium ad universorum notitiam adducimus. Etsi Consules ac Senatus, non Tribuni-Plebis, Tribuum Magistrum & universus populus Civitatis nostrae Monasteriensis, tam contra sacras Imperiales leges, & diversa Concilij Imperialis aulici decreta, rescriptaq; inhibitoria, ac eorq; in ipsius sacra Casarea Majestatis contemptum, sollicitatis inexcusabilis suppeticis exterorum, quam variis in Deum ceu Legitimum Principem ac superiorem suum modis adeo graviter deliquerint, ac severius equidem in ipsos animadvertere possemus. Quia verò per Delegatos suos sufficiens ad hoc mandatum habentes, millimè noxam deprecari, simulq; pro



ac posteris suis sanctè stipulati sunt, in fide, devotione & obedientia in posterum perpetuo se constantes fore, ac præterea renunciârunt, & annullârunt, quidquid occasione huiusmodi sollicitationis & implorata opis externæ actum, factumq; fuerit, uti ipsa retractationis litteræ sigillo Civitatis munita ac Nobis extradita lætius testantur; Hinc Nos inducti tandem sumus, ut animo verè paterno, clementiam rigori anteponamus, atq; idcirco pro Nobis ac Successoribus nostris Episcopis Monasteriensibus clementer ac benignè declaremus, quod prædictos Consules ac Senatam, nec non Tribunos Plebis, Tribuum Magistros, totumq; populum ac militares etiam personas, conjunctim ac divisim (paucis duntaxat exceptis, qui postea nominabuntur, & ob specialia delicta non quidem capitis, sed postquam legitime convicti fuerint, aliam pœnam luent) in gratiam recipere, omnibusq; ac singulis præmemoratis, quidquid errati commissum est, clementer ac paternè remittere velimus, prout eosdem hisce re ipsâ in gratiam recipimus, & omnem omnino offensam ac pœnam remittimus & condonamus. Quem in finem dictis etiam Consulibus, Senatui ac Consortibus ex gratia restituimus ac respectivè confirmamus, communia Civitatis & privata

Ll

singul.



singulorum, rite obtenta, & quiete  
 etenus possessa, non controversa, nec con-  
 sententia super iure praesidi ac finium  
 pronunciata, connexionem aut dependen-  
 tiam habentia, neq; per specialem ali-  
 cessionem renunciata, iura & privilegia  
 fortunas ac facultates omnes, in quibus  
 Nos veluti Princeps eosdem tuebimur  
 defendemus, ita tamen, ut & ipsi & suc-  
 cessori seu eorum posteri discreti  
 utantur; neq; Clerum nostrum crimin-  
 rium & Secundarium, in suis respecti-  
 vimmunitatibus, libertatibus & exemp-  
 tionibus, seu Ecclesiasticis ac civilibus  
 iuribus & Jurisdictionibus, aut quomodo-  
 alium seu in- seu extra Civitatem tur-  
 bent aut ledant; Nobis etiam, & suc-  
 cessoribus nostris fideles, obedientes  
 devotos se constanter probent, & debi-  
 tam omnem venerationem, submissionem  
 ac reverentiam perpetuo praestent. Re-  
 servamus nihilominus expresse Nobis  
 quodcumq; ius Principis, Regalia, iura  
 & jurisdictiones & eorum intuitu omnia  
 superioris inspectionem & curam Civita-  
 tis, praesertim in casibus quietis ac secu-  
 ritatis publicae; & si quando continge-  
 ret inter Magistratum ac Domum Tri-  
 bunitiam non bene convenire; aut ipsi  
 etiam conjunctim vel seorsim animis de-  
 crepare: aut factionibus distrahi.



ves; sive antiquam aliquando repetere  
 silvam, & tumultibus, seditionibus, pro-  
 ditionibus, seu quibuscunq; aliis pericu-  
 losis huiusmodi machinationibus ansam  
 præbere; Vel Nobis aut successoribus no-  
 stris seu facto seu verbo injuriam in-  
 ferre. Deniq; expresse etiam Nobis ac  
 Successoribus nostris reservamus potesta-  
 tem adscito Magistratu, politici Regimi-  
 nis & iustitia administratos ordinandi, &  
 quacunq; ab aliquo iam tempore irrepsê-  
 re novitates, defectus, ac vitia corrigendi,  
 curandiq; ut ad præcipua Civitatis  
 munia, viri honoratiores, vere Catholici  
 & Nobis ceu Principi sincere devoti ad-  
 moveantur; & e contra turbulentiores  
 & inquieti, ac Nobis seu nostris succes-  
 soribus infidi, vel contrarij, ab iis resi-  
 ciantur; demùm sollicitè saveatur, ne  
 præsentia posthac incommoda aut pristi-  
 nas calamitates denuò experiamur. In  
 testimonium veritatis hæc abolitionis &  
 gratia litteras dedimus manu & sigillo  
 propriis roboratas. In Residentia Nostra  
 & arce S. Ludgeri. Anno millesimo sex-  
 centesimo sexagesimo primo, die verò vige-  
 simâ sextâ Martij, quæ erat Divo Lud-  
 gero solennis. Christophorus Bernardus.

Hanc Divo huic venerationem Princeps <sup>74.</sup>  
 debebat, ut ejus ceu Proto-mystræ honoris Ci- Civitas  
 vitatis submissio adscriberetur. Ergo pactis tradi-  
 ita tur.